

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 57-58 (1971-1972)

Artikel: [Poesias]
Autor: Maissen, Michel / Derungs, Gion Luregn
DOI: <https://doi.org/10.5169/seals-881778>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 08.02.2025

ETH-Bibliothek Zürich, E-Periodica, <https://www.e-periodica.ch>

Ina persuna, ussa s'avanzada els onns, ha relatau avon cuort temps: «Nus buobs havessen giu biaras gadas mustgas de zuppar la crutscha dil vegl Vigeli ch'el schava avon porta-baselgia el pierti si pil mir. Mo havein mai ughegiu de far quei stuc cun el, che regalava a nus beinenqual bi termagl.

Ils mattatschs, nunponderond vulevan, cun far ina filistucca, prender contact cul vegliuord ziep en maniera provoconta, sco vevan quei viu tiels carschi. El denton secapeva cun la generaziun giuvna en moda amicabla tras in termagl, ch'el construeva denteren per cuorturala.

En siu otgontadusavel onn ha Niessegner priu Vigeli, bein restegiaus sin quei pass decisiv final, sco lein sperar ch'el seigi arrivaus en la gloria della levada tier nova veta beada.

Vigeli ruaussi en paisch.

CRISTALLAS

Bellezia cristalla ch'jeu sai contemplar,
vulesses ti buca a mi explicar
danunder ti vegnas e nua ti vas? —
cun tia finezia mintgin selegrass.

*

Jeu sundel sut tiara el stgir seformada,
en fuorms diversas sun sco entagliada,
carstgaun contemplescha, patratga e di:
«Tgeinin ei il meister che meret' il tschupi?»

M. M. 10. 2. 75

IL TSCHIERV STRIUNAU

Giu el 'bostg' sesanfl' in tschierv,
in bizar cun ies e gnierv,
dudisch dumbra el segir —
marveglius ei siu agir.

Bein a nus enconuschents
'l ei daditg, el ei pussents
quei superbi animal —
malizius, losch capital.

El ei vegls ed ei maligns,
strusch capeivels ses rampins,
'l ei veseivels fetg darar —
mo dalunsch ei d'admirar.

Vegn el forsa engartaus,
ni cun breigia observaus,
lu mo cuort — e sco 'l cametg
el svanescha en in stretg.

E sch'el vegn ord siu quartier
urtgivaus tras il revier,
lu naven eis el per ditg
gnanc davos lai in fastitg.

Gie, nus auters catschadurs
vein per el unfriu bia turs,
el cul temps vein battegiau —
dau il num 'tschierv striunau'!

(gld)